

Morning Dogri (NSD) National News Bulletin 26-05-2025

आकाशवाणी

- प्रधानमंत्री नरेन्द्र मोदी होर दाहोड़ च 24 जहार करोड़ रपे दी विकास परियोजनाएं गी लांच करगंन।
- सर्वदलीय प्रतिनिधिमंडल दे लीडरें गलाया ऐ जे भारत हुन बन्ने पार आतंकवाद गी नबेड़ने लेई नमें तरीके अपनाग।
- अज्ज नमीं दिल्ली च भारत मालदीप दी उच्च स्तर दी बैठक होग।
- जून गी जम्मू कश्मीर थमां पैहली चैरी कारगो रेल चलना शुरू होग।
- मौसम विभाग नै दक्खनी राज्य ते समुंद्री इलाकें च भारी बरखा पौने दे असार दस्से।
- डी.गुकेश अज्जै थमां नार्वे चैस प्रतियोगिता जेहड़ा स्टैवेंजर च शुरू होआ'रदा ऐ, ओहूदे च मुल्खै दी अगुवाई करगंन।

<><><><><><>

PM-Dahod

प्रधानमंत्री नरेन्द्र मोदी होर गुजरात दे दऊं दिनें दे दौरे पर होंगन, उत्थें ओहू 82 जहार करोड़ रपे दे बक्ख-बक्ख विकसित कारजें गी लांच करगंन। अपने दौरे दे पैहले दिन दरान ओहू मुल्खे गी इक लोकोमोटिव निर्माण संयंत्र समर्पित करगंन ते दाहोड़ च बिजली कम्में चलने आले लोकोमोटिव गी झंछी दस्सगंन। दाहोड़ च ओहू तकरीबन 24 जहार करोड़ रपे दी बक्ख-बक्ख परियोजनाएं दा बी नीहू पत्थर रक्खगंन। एहूदे अलावा ओहू गुजरात सरकार दी होर परियोजनाएं ते रेल परियोजना दा बी उद्घाटन करगंन। इंदे च वेराबल ते अहमदाबाद च चलने आली वंदे भारत एक्सप्रेस ते वलमद ते दाहोड़ बश्कार एक्सप्रेस ट्रेन शामिल ऐन। प्रधानमंत्री होर भुज्ज च बी जांगन ते 53 जहार 400 करोड़ रपे दी बक्ख-बक्ख विकास परियोजनाएं दा बी उद्घाटन करगंन।

<><><><><><>

कल "मन की बात" प्रोग्राम दे राएं मुल्चौ गी संबोधत करदे होई श्री मोदी होरें आपरेशन सिंदूर दरान सेना दी टुकड़िएं दी बन्ने पार सटीकता कन्नै आतंकवादी ठकानें गी नष्ट करने लेई सराहना कीती। उनें इस गल्ल पर जोर भरेआ जे भारतीय सैनिकें हिम्मत जुटाइयै जेहड़े टैक्नालोजी ते थेआरें बरतियै ओ भारत च गै बने दे हे।

<><><><><><>

Foreign

विदेशी निवेशकें भारतीय शेयर बजार च हुने तोड़ी तकरीबन 14 ज्हार करोड़ रपे लाए न। खजाना आंकड़े दे मताबक मई च विदेशी पोर्टफोलियो निवेशकें (एफपीआईएस) नै भारतीय शेयर बजार च 13 ज्हार 835 करोड़ रपे लाए न, तोआई 7 ज्हार 743 करोड़ रपे कड़ाई लैते न।

<><><><><><>

Maldives FM Visit

मलदीव दे विदेश मंत्री डॉ. अब्दुल्ला खलील 3 दिनें दी भारत यात्रा पर कल नमीं दिल्ली पुज्जे। इस ब४रे डॉ. खलील हुंदी एह त्रीह भारत यात्रा ऐ। एहदे थमां पैहले जनवरी ते मार्च म्हीने बी ओह भारत दी यात्रा पर आए हे। भारत ते मालदीव बश्कार उच्च स्तरीय राजनीतिक विचार विनियम तैहत एह यात्रा होआ'रदी ऐ। डॉ. खलील भारत मालदीव बश्कार दूई उच्च स्तरीय कोर ग्रुप दी बैठक च हिस्सा लैंगन। बैठक दरान व्यापक, आर्थिक ते समुंद्री सुरक्षा सांझेदारी पर दौनें मुख्खें दे नजरियै सरबंधी दस्तावेज दी अमलावरी दी प्रगति दी समीक्षा कीती जाग। मालदीव दे राष्ट्रपति डॉ. मोहम्मद मुइजु हुंदी पिछले ब४रे अक्टूबर च भारत यात्रा दरान दौनें मुख्खें दे शीर्ष नेतृत्व नै इसगी अपनाया हा। मालदीव दे विदेश मंत्री डॉ. खलील विदेश मंत्री डॉ. एस.जयशंकर हुंदे कन्नै बी दपक्खी बचार बमर्श करगंन।

<><><><><><>

Cherry Cargo Train

जम्मू कश्मीर दे उत्पाद जेहड़े तोले खराब होई जंदे न, उनेंगी तौले थमां तोले बाहर भेजने आस्तै अपनी चाल्ली दी ते अपनी किस्मा दी पैहली जम्मू रेलवे डिवीजन नै 3 जून थमां कटरा रेलवे स्टेशन थमां बांद्रा तगर अपना पैहला वीपी इंडेंट यानि समेयान गी भेजने आस्तै इक पूर्ण पार्सल वैन दे आवंटन दा अनुरोध कीता ऐ ते एहदे लेई पंजीकृत कराया ऐ। एह जतन बागवानी मैहकमे ते फल उत्पादक संघें कन्नै व्यापक बचार बमर्श मगरा शुरू कीता गेआ ऐ। एहदे कन्नै उत्पाद गी नुक्सान होने मिां बचाया जाई सकोग। इस जतन राएं रेल दे जरियै चीजां भेजियां जांगन ते 30 घेंटे च एह समेयान अपनी तैह थाहर तगर पुज्जी जाग।

<><><><><><>

IMD

मेसम विभाग नै दक्खन हिस्सें ते समुंद्री इलाकें जिंदे च कर्नाटक, केरल, माहे, तमिलनाडू, पुदुचेरी, कराइकल च शामिल ऐ, उत्थें अज्ज टांवी-टांवी थाहरें पर मती भारी बरखा होने दे असार दस्से न। विभाग दे मताबक अंडेमान निकोबार टापू, कोंनकल, गोवा ते महाराष्ट्र च बी अज्ज बरखा पेई सकदी ऐ।

<><><><><><>

Norway Chess

भारत दे शीर्ष शतरंज खडारी ते विश्व विजेता डी.गुकेश ते अर्जुन एरिगैसी अज्जै थमां स्टावांगर च शुरू होआ'रदी प्रतिष्ठित नार्वे शतरंज प्रतियोगिता च मुख्य दी अगुवाई करगंनं एहदे च मर्दे ते महिला वर्ग च 6-6 शीर्ष खडारी शामिल न। अज्ज प्रतियोगिता च डी.गुकेश दा मकाबला दुनिया दे नंबर इक मैग्नस कार्लसन कन्नै होग। जिसलै के प्रतियोगिता च पैहली बारी हिस्सा लै'रदे एरिगैसी दा सामना चीन दे वेई दी कन्नै होग। पैहली बारी भारत दे 2 मर्द खडारी प्रतियोगिता च हिस्सा लै'रदे न। महिला वर्ग च कोनेरु हम्पी दा सामना ओपनिंग राउंड च भारत दी गै खडारी आर.वैशाली कन्नै होग।

<><><><><><>

Amit Shah

केन्द्रीय गृहमंत्री अमित शाह होर अज्ज बउले नागपुर दे राष्ट्र कैसर संस्थान जेहड़ा जामठा च ऐ, उत्थें “स्वस्ती निवास” दा नीह पत्थर रखगन। अज्ज दपैहरी ओह कामठी ब्लाक दे चिचोली च राष्ट्रीय फोरनसिक साईस विश्वविद्यालय (एनएफएसयू) दा बी नीह पत्थर रखगन। शाह होर त्रऊं दिनें दे महाराष्ट्र दौरे पर रौंहगन जेहड़ा अज्जै थमां शुरू होआ'रदा ऐ। तोआई एनएफएसयू दे संस्थापक वाइस चांसलर डॉ. जे.एम.व्यास होरें जानकारी दिक्ती ऐ जे महाराष्ट्र च एनएफएसयू दा नमां कैपस खुल्लने कन्नै इक होर फोरनसिक माहिरें दा कौशल समुदाय तैआर होग। नागपुर कैपस एनएफएसयू दा भारत च 11मां ते महाराष्ट्र च पैहला कैपस होग। नागपुर दे बाद शाह होर कल मुंबई जांगन जित्थें ओह बक्ख-बक्ख प्रोग्रामें च शामिल होंगन।

<><><><><><>

Operattion Sindoor

डपग्रह थमां लैती गेदी हाल च तसवीरें थमां पता लगदा ऐ जे भारत दे आपरेशन सिंदूर दरान पाकिस्तान दे रणनीतिक तौर पर महत्वपूर्ण नूर खान एयरबेस गी पैहले दे आंकलन थमां बड़ा मता नुकसान पुज्जा ऐ। इस्लामाबाद थमां 25 किलोमीटर थमां कोल स्थित रावलपिंडी दा एह एयरबेस पाकिस्तान दे ड्रोन ते वीआईपी हवाई बेडे दा महत्वपूर्ण केन्द्र ऐ। सोशल मीडिया पोस्ट च रक्षा विश्लेषक डेमियन साइमन होरें लिखेआ ऐ जे पाकिस्तान दे नूर खान एयरबेस दे निरीक्षण थमां पता लगदा ऐ जे भारत दे हमले कन्नै आले दुआले दा पूरा परिसर ध्वस्त होई गेआ ऐ ते पैहले दे आंकलन थमां कुदै मता नुकसान होआ ऐ।

<><><><><><>

IPL

आईपीएल टी-20 क्रिकेट च कल रातीं सनराइजर्स हैदराबाद नै कोलकाता नाईट राईडर्स गी 110 रंज कन्नै हराया। दिल्ली दे अयण जेटली स्टेडियम च हैदराबाद नै 279 रंज दे लक्ष्य दे परते च कोलकाता दी पारी 168 रंज पर सिमटी गई।

<><><><><><>